

度

支

奏

議

度支奏議目錄

四川司一卷

題覆留計借留漕糧開鈔及歸還楚餉疏

題覆瑞藩食鹽贍田并三藩折鹽銀兩疏

查叅布料價銀不行辦解掣銷疏

題覆查勘原任總督張我續軍餉疏

題覆桃源縣荒疲減派遼餉疏

覆南戶部查叅拖欠南糧官員疏

題覆應天撫院查叅逋欠金花官員疏

覆南戶部題請借撥~~例~~楚餉關稅疏

題覆南京巡倉查叅拖欠南糧官員疏

覆議白糧運舟出幫無阻疏

題覆清河災民陳乞寬卹疏

度支奏議卷之一

太子少保戶部尚書潘青舉自嚴視草

題覆留計借留漕糧關鈔及歸還楚餉疏

題爲留計困迫愈甚人情洶洶可虞懇乞

聖明立留近漕關鈔以弭近憂事四川清吏司案呈

崇禎元年七月二十九日奉本部送戶科抄出

南京戶部署部事南京兵部右侍郎傅振商題

前事等因奉

聖旨留儲告匱官軍困迫所請漕糧關稅該部酌給

具覆不得再稽欽此欽遵八月十一日續奉本朝
送戶科抄出總督南京糧備南京戶部右侍郎
兼南京都察院右僉都御史呂圖南題爲留糧
勢不可支持備漸見悍形謹陳近日軍升鼓譟
之狀懇乞

聖明大需漕關二事以奠根本重地事奉

聖旨留庾空乏疾聲屢籲戶部再酌議具覆各處南
糧任奸胥積欺包攬侵欺全不查催總督倉場所
以何事着取部運府佐職名勒限嚴催過期提參

有司任內南糧不完不准考滿該部院知道欽此
欽遵抄出到部送司議稿間八月二十日又奉
本部送戶科抄出廣西道監察御史倪元琪題
爲慎名器定選法以暫濟時艱事奉

聖旨這奏長史通判不得援納各項輸納照品照期
懸榜揆選如議行南庾空虛已有旨准復本色徵
州府不許改折各州縣所解錢糧司府隨解有那
借者撫按官不時查叅楚餉應歸南部的卽與該
覆該部知道欽此欽遵通抄到部送司查得南

借留漕糧關鈔及歸還楚餉三事本部業已具
覆再三議量留應天漕糧十萬石先歸還楚餉
一半接濟南計矣今南計臣督臣并道臣各申
前議復經移付職掌各司查議去後隨准雲南
司回稱漕糧一項原止備京軍之需近累截于
津復酌留于南倉中止有數月之支則漕之爲
漕岌岌乎成不可救藥之勢矣况今漕艘已次
第北上豈可復言留以滋觀望者之濡滯乎本
司卽欲再分壯儲以濟南猶恐南未必濟而壯

已坐受其病且南北各有職掌勢固不能合議而芸人也近經倉場總督題奉

明旨已不准其徑留無容再議又准新餉司回稱南部三關鈔銀係遼餉正額于天啓七年九月內將前稅與事例銀十萬兩題入銅本四十萬之內充爲鑄本每年額定鑄息十二萬以助遼餉本年三月內南部因軍需空匱已將事例銀暫借一年矣今又欲半割關稅是四十萬之銅本將去其半銅本既缺每年

欽定之息將安藉乎當此捉襟露肘之日又無別項
可以議補此萬萬不可再允留用者況去一分
新餉便少一分之額關寧之餉何等緊急尚忍
割壯肉以醫南瘡也又准貴州司回稱南糧濟
黔黔爲續命之膏向以南庾告匱索還楚賦章
滿公車不得已割還其半將四川協濟陝西加
派等項補之今盡欲歸還再求抵補之着本部
實不能作無米之炊且總督請餉二百萬爲勦
賊之計收蕩平之功尚無應索之策而今欲別

額就之餉黔省立索于枯魚之肆矣此本司不敢擅擬者各等因到司准此相應依議類覆案呈到部該臣等看得南都重地空匱異常故南計諸臣呼籲日迫

祖宗根本攸關孰敢緩急坐視惟是今日臣部之艱難有大異于疇昔者帑庾之積貯百無一有九邊之索餉朝不待夕臣雖履任方新然前此南中諸臣連章特疏呼籲者數矣屢經本部具覆非無同舟共濟之情實出萬不獲已之計今卽

欲再議留漕而京軍續命之膏豈容中斷再議
留稅而關寧喫緊之餉決難減額再議還楚賦
而黔省已定之額將何抵塞則留漕借稅與全
歸楚賦三事誠有如雲南貴州新餉三司所議
者頃臺臣吳煥有南糧一疏中娓娓數百言條
議南儲不啻詳悉業蒙

聖鑒嘉納臣部欽奉通行申飭設中外諸臣力行惟
謹則南匱自裕定不至以借留漕稅屢煩

天聽也相應覆

請恭候

命下臣部一體遵奉施行

崇禎元年九月初四日具

題本月初七日奉

聖旨漕糧南部擅留二十萬自當重處還議將何項
抵補楚餉應還的再與酌議關鈔不得借留依議
行欽此

題覆 瑞藩食鹽膳田并 三藩折鹽銀兩數
題爲

三藩屏翰已成殘蜀鹽田並派謹據實控陳必不
能全辦之狀懇乞

聖明勅部酌議分派別省以襄

巨典事四川清吏司案呈崇禎元年七月十三日奉
本部送戶科抄出提督軍務巡撫四川等處地
方兵部右侍郎兼都察院右僉都御史尹同龢
題前事等因七月初八日奉

聖旨該部知道欽此又于本年八月二十九日奉
部送戶科抄出巡按四川監察御史加陞太僕
寺少卿張樞題同前事八月二十五日奉

聖旨三藩派鹽例不可缺該省又稱殘破之後難以
措辦該部再與看議來說欽此欽遵通抄到部送
司查得撫按疏議四川協濟

瑞府贍田一千五百頃每歲該徵銀四千五百兩
業已認解無容再議惟是本色鹽一千三百
引向已派于河東該

本王奏稱以河東鹽斤運至漢中鹽價反輕驛費
反重欲改于四川辦解亦已奉

旨允行今該撫按題議蜀當殘破之餘議認贍田銀
兩爲力已竭而復責以贍鹽勢固所難題欲本
部別派相應移付山東司詳議呈堂裁酌至于
川省又應協濟

瑞惠桂三府食鹽銀各二千四百五十餘兩于未
之國時俱比照

潞府事例撥派已定今撫按槩乞改派別省恐難

准從合無照舊議派俟山東司付覆一併具題
等因呈奉堂批移付速議奉此隨即移付山東
司酌議續准回稱看得

藩封供應各隨方域

瑞藩分封漢中係河東行鹽額地故本部前將食
鹽派于河東支取蓋照

潞福二藩之例也繼而

瑞藩以東路遙而陷特請改支川省以圖近便適

奉

俞旨而河東巡鹽恐以川鹽一入漢中必爲河東額
鹽之碍因具疏爭執又以路遠費繁每年議解
本色鹽三百引其餘改解折色亦經覆奉

欽依而本藩又以官眷員役頗衆難以改折以故復
有漢民世食川鹽晉課久皆包納之疏奏

請仍支川鹽業已奉

旨報可時本部亦以漢中果用川鹽包輸晉課必出
蜀中之願當卽遵

旨覆行矣今蜀中撫按諄諄控陳以爲前項食鹽約

費銀二萬餘兩必須派于民間蜀中兵燹之後處處荒蕪在在逃亡實難措處并據蜀中胥吏咸謂漢中之鹽向食河東並無世用川鹽近來晉課之事一聞派鹽之令民情實爲洶洶僉謂宜派別省夫

瑞藩之鹽原派河東供辦且旣以認輸又何必拋派隣境而貽殘蜀之民以重困乎撫按爲民請命情非得已合將

瑞藩食鹽仍派河東照例支取不必再爲紛更者

也等因呈奉堂批

瑞府食鹽仍歸河東自是正論卽具疏題覆其

三王鹽價并

瑞府贍田應照原議歸蜀無容紛更奉此相應
復煩爲查照題覆等因移付到司准此相應一
併議覆案呈到部臣等看得

藩王之國原宜優厚民間物力未免匱絀川省
派

瑞惠桂三藩折鹽銀兩雖出向時

分封篤厚之典然編氓原無徵有此項而一旦
之窮簷政苦無以爲應繼而協濟

瑞藩贍田又繼而改派

瑞藩食鹽民之皮骨幾何而堪此靡盡之剝也况
以兵燹之後瘡痍初起而勉認

瑞藩贍田銀歲計四千餘金此固效義之所難者
至若本色食鹽無論便與不便而揆之理勢亦
絕不能辦河東係行鹽之區認輸已有成議照
舊派解當不俟詞之再決也

瑞藩設強執而久稽贍資孰若仍舊而蚤令輸納
乎此外

三藩折鹽銀兩該省年來徵兵措餉以致民脂民
膏日見銷耗乃行鹽之商歲擁餘貲者未供征
調之役其家固自富饒也以臣等之愚莫若將
此項鹽價令民商各認其半俾衆擎易舉而民
商兩服事在該省速爲善處無以

藩封日給之需而卒歸畫餅也旣經該撫按題議
前來相應覆

請恭候

命下臣部移文四川陝西撫院及照會該布政司并
谷都察院轉行四川陝西巡按河東巡鹽各御
史一體遵照施行

崇禎元年十一月初三日具 題初九日奉

聖旨瑞藩分封原河東行鹽額地川鹽入漢恐礙額
鹽本藩食鹽河東旣已認輸着照舊派解其三藩
折鹽銀兩依議商民各認該撫按卽爲酌處不得
違悞欽此

查叅布料價銀不行辦解掣銷疏

題爲奸解久沉

內供謹按籍查叅釐剔侵蠹以完

國課事四川清吏司案呈照得解錢糧有司能
謹掣銷之限奸解自絕侵運之虞

內供克充又何煩于催督也惟有司以錢糧起解
爲要着以批廻比銷爲虛文則吏胥得以上下
其手與商解朋奸隱漏延捱蠹

內供以潤私橐效尤接踵長此安窮不得不備查

嚴飭以警將來案據蘇松巡按呈報并蘇松等
府申送循環冊內數目逐一開列呈請題叅案
呈到部該臣等看得有司職任催科惟逋負者
力於徵解發解者謹其掣銷乃盡催科之職矣
奈何將已徵布料價銀一發于人便了完解之
局一任解役侵沉全不置念是其初發也非曲
徇于囑託則濡染于常例也其久延也非顧忌
于情面則朦蔽于狐鼠也據查蘇松常等府發
解布料價銀共五萬三千一百四十兩有奇布

七萬二疋何莫非下民之膏血而

朝廷之金錢也中間自萬曆四十二年以至四十七
八年自天啓元年以至于六十七年歲月遼遠竟
未解京以千畝萬朴之所得而竟填奸解之囊
橐以

御用軍衣之所資而卒充積猾之吞啖

國家三尺之法幾漸滅殆盡矣臣部前此業經屢
檄行催而終泄泄視之總緣三吳之俗人情狡
僞法紀廢弛在解役既視官錢若已有在有司

亦視職掌爲傳舍前後互相推諉居諸漸以沉淪政不得不徹底清查上緊督催以完數年未結之局者也相應臚列查叅合候

勅下臣部移咨應天撫院并咨都察院轉行巡按御史速督該府州縣亟提後開解戶周仁相周選孫廉信等及見給改委買辦員役有布料者則差官押解來京速行完納無布料者止窮追原領官銀照數完官另委辦解俱著見任府州縣官清理完報有仍前怠玩者撫按官半年之後

坐名查叅庶久沉之

內供有完納之期矣再查各府貯庫布料銀兩共九千三百四十一兩九錢此亦已徵在官之銀但恐發辦布料仍復耽閣如前良以事關

內供鋪墊煩費人多視爲畏途借口逋延而

內庫積儲日久漸至陳腐翻屬無用似不若姑將原銀解進以備緩急之需尤便計也查各省直布料屢奉

明旨督催猶逋負在民者耳若侵蝕干積猾而逗遛

於解役者尤爲見在錢糧相沿弊蠹誠不可不
一問此臣所爲摘發上

請者也若崇禎元年辦解布料時日無幾姑且俟其
自到可矣

計開

蘇州府

甲字厘棉布

萬曆四十六年分布銀八百七十六兩三

分

前件查係太倉州知州黃廷金于萬曆四十七年十二月給解戶周仁相辦解

萬曆四十八年分布銀二千兩

前件查係知府沈萃楨給吏錢之煥據冊開已被花侵見經問遣監追

天啓元年分布銀二千一百三十三兩七錢六分

天啓二年分布銀一千兩

前件查係知府寇慎于天啓三年十月
月給判官薛朝鏐本官轉任今改委
解官沈文進辦解

天啓四年分布銀四千兩

前件查係太倉州知州劉彥發解官王
養志商人浦益辦解以上該府循環
冊開報

萬曆四十二年分棉布二萬三千七百六

十二疋

前件查係嘉定縣解戶曹全領辦人丈
久未到部天啓六年十一月二十九
日該巡視十庫科院給事等官薛國
觀等題叅行提仍未到部

甲丁二庫顏料

天啓三年分料墊等銀一千八百四兩八
錢八分二釐

前件查係天啓五年七月初九日給解
官郭慎德辦解

天啓四年分料銀二千六百七十四兩

錢六分

天啓五年分料銀二千二百八十六兩

前件查係解官陳拱軫領辦

天啓六年分料銀一千一百九十八兩四

分

天啓七年分料銀

五百四十六兩

前件查係委

進辦解

松江府

甲字庫布疋

天啓五年分校布一萬六百二十疋棉布

一萬疋

前件查係天啓七年九月初三日批差

解戶倪和全領解

天啓六年分校布一萬六百二十疋棉布

一萬五千疋

前件查係天啓七年十一月初三日批

差解戶王宗緒領解

甲丁二庫顏料

天啓四年分料銀一千五百四十六兩七

錢五分

天啓五年分料銀一千五百四十六兩七

錢五分

前件查係給鋪商洪文周辦解

天啓六年分料銀五百六十九兩八錢

前件查係見行委官買辦

常州府

甲丁二庫顏料

萬曆四十七年分料墊銀二千六百九十一兩

一兩三錢

泰昌元年分料墊銀二千六百九十一兩

三錢

前件查係天啓五年八月十三日批差

產戶施德領解

天啓元年分料墊銀二千六百九十一兩

三錢

天啓二年分料墊銀二千六百九十二兩

三錢

前件查係天啓五年九月十八日批差
產戶周選領解

天啓三四兩年硃漆等料銀共五千三百
八十二兩六錢

前件查係產戶張紹辦解

天啓五年分料價等銀一千四百十兩七
錢六分

前件查係產戶孫芳行辦解

天啓六年分料價銀一千四百十七兩

前件查係見行委官辦解

天啓七年分料價等銀一千三百二十四

兩六錢二分

前件查係見行產戶陳承玉買辦

鎮江府

甲丁二庫顏料

天啓三年分料墊等銀二千四百十四兩

四錢七分五毫

天啓四年分料墊等銀二千四百十四兩
四錢七分五毫

前件查係天啓四年八月解官趙賢良
辦解赴部時值

大工肇興選用物料告給改買找價部文于天啓
年十二月二十九日差原押百戶宋
邦泰押回改買未到

天啓五年分料墊等銀二千四百十四兩

四錢七分五毫

前件查係天啓七年十二月給解宜屬
應璦辦解

天啓六年分料墊等銀二千四百十四兩
四錢七分五毫

前件查係給典史倪光裕辦解

蘇州府庫貯

太倉州萬曆四十七年棉布墊銀二萬兩
崑山縣萬曆四十八年棉布價銀四萬兩

十兩

天啓元年分布價銀一百九兩一錢五分
天啓六年分料價銀六百八十九兩五分

松江府庫貯

天啓元年分料價銀五百六十九兩八錢
天啓二年分料價銀五百六十九兩八錢
天啓三年分料價銀九百七十六兩九錢

應天府庫貯

萬曆四十八年起至天啓六年止料價銀

共四千四百三十三兩七錢九分

徽州府庫貯

天啓二年分料價銀一千四百四十三兩
二錢八分六釐

崇禎元年十二月十五日具

題本月十九日奉

聖旨這蘇松等府布料本折錢糧歷年已經領解
何一任侵沉不行掣銷及至催提仍從廢閑以
地方官好生違玩周仁相等着該撫按嚴行

布料已辦的立限催解未辦的除正罪外道
銀還官另委辦解官改任回籍的行所在官
拘提若有司捐剋價銀致辦納不前者許解
京申理府州縣奉文半年如仍前怠玩清解
該撫按坐名查奏其各府庫貯已徵在官布
料兩着照數解進該衙門知道欽此

題覆查勘原任總督張我續軍餉疏

題爲謹叅逆黨遺奸以佐光明

聖治事四川清吏司案呈崇禎元年七月二十三日
奉本部送戶科抄出山西道監察御史黃宗昌
題前事內稱有漏網渠魁媚璫的據臣確按之
得五人焉是可丕亟鋤之尚使留於

聖朝以點光明之治乎一日原任戶部尚書張我續
糾我續淫穢者旣章滿公車臣不臚列但以援
黔之故動河南河工京邊銀或八萬或三萬

十三萬雖各有款項而不明言兵數已屬可疑
至於按括府州縣之四十萬全未開銷科臣空
默爲推官署懷慶府事續取銀五萬未見支銷
已奉

嚴旨查勘處分胡然遽置之不問而且起用亞卿且
尚書且宮保四時仕宦備於數月之間說者謂
進助

大工者五千其名而輦送於崔呈秀者其數不貲也
且得力處尤在我續一妾與魏良卿一妾爲姦

妹二人認爲聯姻締交甚密及水山失勢復遷
溫綸仍僞銜以享盜餉媚璫之富貴是不可不亟爲
提問追賊以助邊餉者也一日通政司岳駿聲
一日工科右給事中潘士聞一日南京總督糧
儲侍郎呂圖南一日廣西道御史王珙此五人
者伏乞

皇上鑒臣不謬

立賜施行應提勘者提勘應褫斥者褫斥庶班行清
淨邪正分明等因本年七月二十日奉

聖旨張我續着革了職援黔動支銀戶部將原
銷數目再行查奏岳駿聲等四員吏部看議具覆
該衙門知道欽此欽遵抄出到部送司案查原任
尚書張我續向總督川貴招兵動餉一案節經
臺省論劾本部題覆奉

旨移文河南四川湖貴各督部撫按衙門查取解送
軍前支用數目去後天啓六年五月內止據河
南巡撫元詩教奏稱查得布政司冊開張我續
駐磁州及援川取過司府州縣銀三十三萬

千六百八十二兩五錢四分內河王銀三萬兩
補還又河南招兵餘銀四百兩解布政司俱還
正項清楚外尚有三十萬一千二百八十二兩
五錢四分於內支放軍餉明白銀十八萬六千
八百四兩九錢二分有年月起止無花名支過
銀五千九百五十兩三分給賞雜役有名色無
甲乙的數支過銀一千一百二十七兩一錢六
分非軍餉止項浪費支過銀一千九百二十兩
三錢九分解川無着落銀十萬四千一百二十六

六兩一錢五分置造軍器帶往軍前支過銀
千三百五十三兩八錢六分臣等看得凡查錢
糧必憑文卷如援川一事文卷在中州者臣等
得據而查之若軍餉若軍器冊開解川及帶往
軍前者其文卷皆在川中則非臣等所敢臆度
懸坐者也至於開封府京邊銀二萬兩迄今四
川益未解補逐項覆查明白開列撒款理合
奏繳乞

勅部科再加查覈議覆施行今將前項文冊理合具

本等因奉

熹宗皇帝聖旨元詩教閑住已久如何尚稱原銜姑
不究該部知道欽此又該河南巡按楊維垣奏同
前事奉

熹宗皇帝聖旨據稱勘過張我續名下無着落銀十
萬四千餘兩彼原有清冊在部事體重大還着九
卿科道從公確議具奏欽此通抄到部該前任尚
書李起元刊冊發單約九卿科道於閏六月一
十七日齊集中府會議諸臣俱云我續總督川

貴其所用兵餉惟地方官可稽核之今稽核之冊未到懸坐侵冒何以服我續之心既奉

明旨據河南勘過銀兩原有清冊在部卽就清冊銷算足矣衆議僉同次日送單者九人有謂照冊籍徹底磨算不縱不苛抄傳與舉

朝海內共見者禮部尚書黃汝良之議也有謂錢糧不在開銷在收支官之冊籍非可以一款之含糊而徑斷者尚寶司卿馮時行之議也有謂文移往來動經歲月欲清此案何日得了可就

諸交彈章量爲結局

聖明自有獨斷者戶科給事中林宗載劉先春許可
徵陳序之議也有謂嚴責蜀中撫按搜索底蘊
從實稽查確數立限回

奏者兵科給事中薛國觀袁玉佩之議也有謂勘
過河南之數何以無着落十萬餘兩中州如此
則蜀可知者浙江道御史龔萃肅之議也該本
部看得糧餉關軍

國之重出納宜明人心有是非之公耳目難掩

從來覈軍實而折羣喙鮮不以冊籍爲兢兢
今日議覆舊督臣張我續收放之數必集合各
省勘報文卷質對而折衷焉法也但道途遙遠
時日稽遲近奉

嚴旨令據清冊確議臣等敢不欽遵致干延緩之罪
若就清冊內開河南銀一一計之招兵等項用
過銀十一萬三千五百六十三兩五錢七分解
楚征黔等項用過銀十一萬九千八百五十三
兩一錢九分駐磁州應援搜括各州縣銀五萬

三百九十兩有奇以上算共二十八萬三千八百餘兩及查河南冊開總數除補還銀三萬四百兩外撒數內稱我續奉

旨取解陝西布政司庫銀一萬兩往南陽府委孫同知給散援川官兵等用此項既係陝西銀則河南銀止當以二十九萬一千二百八十餘兩銷算合二冊總核僅七千四百七十餘兩無着落耳

皇上令臣等公議者我續清冊原未及蜀臣等所

以議者亦我續清冊而不及蜀冊之所有固難
擅減冊之所無亦難擅增謹以會集衆議從實
具奏

皇上神聖天縱明見萬里其於我續功過與我續節
被人言自有

定鑒自有

睿裁無庸臣等臆決等因題奉

熹宗皇帝聖旨據奏清冊查明外尚有七千四百七
十餘兩未見着落還着再行查覈具奏欽此隨欽

本部看得我續支用錢糧前疏查有七千四百七十餘兩無着落者據河南所報發數我續所報支數相對而查有如此耳

皇上以錢糧重大必令此七千餘兩俱有着落

命臣等再行查覈臣等所可查覈不過就河南撫按冊以查其動支就我續冊以查其開銷顧征調應援原非一時一事錢糧收發亦非一手一人中或未必其無參差掛漏臣等再四籌酌似應仍行河南撫按令轉行我續另造細冊報部

等據以查覈具

奏庶未明者可無不明我續心服人無異議等因
奉

熹宗皇帝聖旨是這無着落銀七千四百七十餘兩
着行河南撫按轉行張我續另冊報部以憑查覈
欽此隨卽行文河南撫按查取去後續於天啓
七年二月內該河南巡撫郭增光巡按楊維垣
各咨呈送原任川貴總督張我續補造援黔用
過河南銀七千四百七十二兩三錢五分緣緣

文冊內開一貴州省城被圍日久新陞貴陽知府朱家民不能入城到任謁職於夷陵舟中馳卽差本官前往嵩廬宜永四縣招募毛兵蔣春周志強等一千二百名除令本官徑領陝西兌解銀兩作毛兵安家及置辦器械衣裝外職仍行文河南府動支銀六千一百兩以爲兵士沿途飯食犒賞之資此銀係朱知府徑自收領沿途支用毛兵奮勇殺賊以清龍里苗夷職去任後蒙蔡總督極口嘉本官之功題陞監軍副使

矣夫朱知府俸僅十二個月而論功超陞副使
則因職之徑付以河南銀六千一百兩有以鼓
舞兵心也此銀之數頗多故於開銷黔餉疏尾
亦曾言及之但報部清冊偶爾遺漏今應補造
一原任裕州知州侯世臣朝

覲考察降三級職訪得本官極能駕馭礦洞中毛兵
又與礦洞中頭目楊克順文定等親厚卽差本
官招募毛兵周宗禹馬昂等一千名隨帶至四
川殺賊立功旣已恢復重慶而貴州告急職卽

差本官督領毛兵前往貴州恐其權輕難以行
事卽題照依大察降三級之例降補貴陽府推
官仍行文重慶府動支河南原借來銀一千三
百兩以爲毛兵沿途飯食犒賞之資此銀係侯
推官徑自收領沿途支用又動河南原借來銀
七十二兩三錢五分置買牛酒以壯行色嗣後
毛兵於陸廣威清等處屢有戰功蔡總督邇其
根源歸功于本官題陞貴陽知府以代朱家民
矣夫侯世臣大察該降三級降爲推官俸僅一

年五個月而論功超陞知府則因職之徑付以
河南銀一千三百兩又用銀七十餘兩買牛酒
以宴勞之有以鼓舞兵心也此銀之數頗少故
於開銷黔餉疏中未曾言及報部清冊亦偶遺
漏今應補造以上二項共銀七千四百七十二
兩三錢五分俱有着落似非糜費况職解貴州
省城之圍只是支用河南原借之銀及湖廣司
府之銀其數總不滿二十三萬而已戶部並未
撥分毫銀兩於職職又未曾請

帑金分毫此在戶部一查本衙門之底稿而可知也等因造冊送部該前任尚書郭允厚看得張我續動用河南銀兩非繇臣部給發其數目底稿俱在河南則查覈開銷亦惟河南冊籍爲憑是以先任部臣李起元遵

旨會議覆

請再行查取誠以錢糧爲重不敢苟且結局也今據該撫按二臣轉送我續補造文冊到部臣等按冊細查於七千四百餘兩無着落之數相同且

給領俱有人可憑心跡似乎無他但我續不
造於先而補造於後無亦值兵戈擾攘之際或
有不暇查覈以致參差掛漏如先日部臣起元
之言者合無題請

聖明或俯准開銷或爲送到文冊全無印信不便備
照仍

勅河南撫按再加覆覈具

奏唯聽

睿裁等因奉

真宗皇帝聖旨據奏張我續補造清冊給領有人心
跡無他這動支河南銀七千四百餘兩着卽與開
銷欽此欽遵通行在案頃該臺臣黃宗昌題叅前
來本司備查我續駐磁及援蜀援黔共用過銀
八十萬有奇而四川之銀米四十餘萬不與焉
惟是臺疏所叅論者河南陝西銀也而

帑銀在內

明旨所諭以查奏者止於河南湖廣銀此非一併陪
算不能燎然明白安敢上塵

睿覽而湖陝川貴四省皆未投清冊錢糧關係重大
豈容懸斷臆決今惟據河南清冊徹底細算於
三十三萬一千六百八十二兩五錢四分三釐
七毫七絲一忽七微三纖內除四川解還三萬
該省解還四百兩惟實用三十萬一千二百八
十二兩五錢四分三釐七毫七絲一忽七微三
纖未至臺疏所叅若彼之多也第其未明者則
浮于原冊所載之數內係軍餉而未明者九千
五百六十九兩五錢四分一釐九毫三絲四忽

至後久織如無軍數無起止並軍數起止俱無
者是也非軍餉而未明者二千七百三十九兩
一錢九分八釐如給賞而不言賞之何人候賞
而不言用之何日並供送禮之用補送禮所支
者是也解四川而未明者一十八萬九千七百
六十兩九錢八分五釐六毫六絲二忽八微二
纖止有總銷之數者是也解河南而未明者二
萬三百三十兩解沅州而未明者三千六百七
十三兩全無開銷之數者是也無花撒者四千

一十七兩八錢固不敢因一省之有未明疑他
省之皆有未明亦不敢謂一省之有未明信他
省之盡無未明蓋冊籍一無所稽故疑信兩俱
難定至於無着落之七千四百七十餘兩或爲
開銷疏所已載或爲開銷疏所未載然支給自
明承領有人卽補冊無印無可議但無二官支
數爲可議耳且河南止收兌解

帑銀十萬已經解川五萬餘矣乃謂在該省用過
八萬五千八十五兩三錢三分八毫借河南銀

一十三萬三千四百一十六兩七錢五分在該
省已用過三萬四百三十五兩六分矣乃盡開
於黔川支用之內冊內稱實收陝西銀九千九
百五十九兩卽疏開令該布政徑解河南及令
朱家民自行領用者也乃復取入沅州三千六
百七十三兩皆事理難於臆度者豈本司所敢
擅擬乎合無就本司所查河南冊之所載者具
覆以憑

聖斷於我續疏開數目題請

欽旨移文各該省撫按轉行各該布政司備紉造冊
限以時日送部通共磨美明悉再爲具

奏或專覆河南冊內所載於援黔所用銀兩卽據
我續原疏銷美遂爲結局等因呈堂奉批此項
錢糧關係重大頭緒繁瑣該司仍會同各司甲
科正郎再一查勘卷冊取具議單呈堂酌議以
便具題奉此遵卽移付各司齊集司務廳取河
南支銷冊籍并本部先後題疏公同會議訖續
准雲南陝西山西山東江西等司付稱看得此

項錢糧原係就地方支用惟卷案可爲實據纂
已行文撫按查回又經會議略可結局而迄今
猶形論列正以支費浩繁的確似尚未敢必耳
若本部實無各項卷宗而徒憑文冊以尋定案
恐非混銷則懸坐此不惟無以服論者之心且
併無以服被論者之心矣似應仍行該地方將
從前解支文卷逐一比對某項的有確據某項
少涉嫌疑一一開立前件則卽今日之精核或
卽以結從前之疑案而本部乃可覆覈入

告耳如舍文案而求文冊之符合則非司屬所敢輕
議也等因到司案呈到部該臣等查得舊督臣
張我續駐磁及援蜀援黔共用過銀八十萬有
奇而四川之銀米四十餘萬不與焉事關河南
陝西四川湖廣貴州五省是必集五省原冊合
盤打笑而後真僞了然立見也乃初時論列多
止及河南錢糧後本部通行查勘止據河南巡
撫元詩教回奏內稱我續駐磁及援蜀取用司
府州縣銀除補還外實該銀三十萬一千二百

八十二兩五錢四分於內支放軍餉明白銀十
八萬六千八百四兩九錢二分有年月起止無
花名銀五千九百五十兩三分給賞雜役有名
色無甲乙的數銀一千一百二十七兩一錢六
分非軍餉正項浪費銀一千九百二十兩三錢
九分解川無着落銀十萬四千一百二十六兩
一錢五分造軍器帶往軍前銀一千三百五十
三兩八錢六分開列總撒文冊

奏報前來內有文卷皆在川中非臣所敢臆度等

謂彼將若行各省一勘則原支軍餉正項固
衆共見之卽有濡染未明亦自無遁情矣不謂
原奉

嘉慶皇帝明旨止就我續疏報清冊銷筭而竟不行
一勘也維時本部尚書李起元據清冊銷筭於
是無着落銀十萬四千餘兩竟歸開銷又除陝
西取銀一萬兩然以河南冊合之清冊尚欠銀
七千四百七十餘兩茫無着落則又一大破綻
也奉

旨再查則又止據我續補冊諉於朱家民侯世臣二
官而亦從開銷矣總之逆璫用事左祖我續故
不暇覈實而急爲嚮用也及

聖明御極朗日中天而御史黃宗昌之言又至矣本
部先令該司郎中王光賁簡出河南原冊逐一
磨勘據開內有六萬三千七百餘兩原係餉兵
置器節目詳明應與開銷其未明者如原係軍
餉而無軍數無起止并軍數起止俱無者共九
千五百六十九兩有奇如原非軍餉給賞不

何人候賞不言何用金送禮動支者共二千五百三十九兩有奇止有解四川解河南解沅州總數而無支銷細數者四川計一十八萬九千七百六十兩有奇河南計二萬三百三十兩沅州計三千六百七十三兩又有無花撒者計四千一十七兩有奇此其所駁與河南疏所載雖未符合亦多彷彿蓋河南疏所云有年月起止無花名有名色無甲乙的數卽該司所謂無軍數無起止無花撒給賞無人用賞無日者是也

河南疏所云原非正項浪費官銀卽該司所謂
送禮支用者是也河南疏所云解川無着落銀
卽該司所謂解四川沅州未明者是也第河南
冊中雖有撒數原未分別款項與疏相照故覆
查之際遂多寡互異且河南疏冊已難細爲指
據而以河南勘冊對我續清冊又大有矛盾者
如河南止兌解

帑銀十萬已經解川五萬乃在該省仍復用過八
萬五千八十五兩有奇何也借河南銀十三萬

三千四百一十六兩有奇在該省已用過三萬
四百三十五兩有奇而清冊乃盡開於川黔支
用之內又何也解沅州之三千六百七十三兩
疏旣開朱家民領去冊復開解貯沅州又似一
銀而兩用那彼而就此又何也卽領銀朱侯二
官有無見在未嘗取有甘結亦似未見指實也
蓋以河南勘冊與我續清冊兩相查而互爲稽
而種種刺謬固如此矣卽據我續清冊所開解
發之處收貯之官似非茫然無着但支銷多在

川中而未行川中一查又何從辯真偽耶大都
事關錢糧雖歷年所頭緒繁瑣而在外案卷自
是分明仍應行文各省備查原案就中如轉解
錢糧須收掌有人支放有地而其無花名撒數
者亦必確有卷冊方可爲據此外軍

國錢糧絲毫爲重我續卽非盡入囊橐而窮奢自
喜細行不矜軍中妄費難保必無如河南撫臣
所稱浪費及無花名的數銀幾九千餘兩該司
所稱無軍數起止及非軍餉支用者幾一萬

千餘兩大率多在損助項下一經查覈必有不
能盡掩者矣雖云我續援蜀援黔樹有功績然
臣部奉

旨清查錢糧在戶言戶固不得旁溢一語也惟有將
河南勘冊全我續清冊奏疏抄發河南陝西四
川湖廣貴州五省吊取彼中文卷冊籍逐一磨
勘庶幾彼時光景如在目前除陝西湖廣款項
原少止移咨回覆外其河南四川貴州三省仍
勒令據實

奏報并取朱侯二官并結務使收支在數年之前而券合於數年之後然後真偽可無混淆耳伏乞

勅下臣部轉行河南陝西四川湖廣貴州五省撫按將我續用過錢糧但係取解有數支給無憑并數目參差顧解互異者細查顛末備取清冊并結限三個月以裏應咨覆者咨覆應

奏報者

奏報臣部覆覈上

請恭聽

聖明處分則軍餉旣清而法紀自肅矣

崇禎二年二月初九日具

題本月十二日奉

聖旨是欽此

題覆桃源縣荒疲減派遼餉疏

題爲衝疲下邑災苦異常謹列款奏

聞仰懇

天恩救民水火以甦予遺事四川清吏司案呈崇禎
二年三月二十九日奉本部送戶科抄出總督
漕運提督軍務巡撫鳳陽等處地方兼理海防
戶部右侍郎兼都察院右僉都御史李待問題
前事等因三月二十四日奉

聖旨該部酌議具覆欽此又于四月初七日奉本部

送戶科抄出巡按直隸監察御史范良彥題同
前事等因四月初三日奉

聖旨已有旨了該部知道欽此欽遵通抄到部送司
奉此查得鳳陽巡撫李待問直隸巡按范良彥
會議看得桃源濱河下澤據淮上流爲南北衝
途舟楫輪蹄往來如織而該縣田多虛額民苦
包糧賦稅旣竭於壘徵夫馬復疲於奔命兼以
連年水旱之相繼長吏撫循之失宜愈逋愈逃
愈逃愈逋所遺數椽岌岌乎朝不及夕而持牒

責迫者又不勝其東西叫囂矣供輸彌難撐持
不繼此災民韓應春等有赴

闕陳情之舉也等因并登荅原奏七款內除差馬捕
站添夫協濟二款應聽兵部議覆外其併里減
鞭蠲豁舊欠議充京帑三款照依原議無庸他
議至於折糧查地減派遼餉二款已經再四覆
酌登荅原款項下相應具覆案呈到部該臣等
看得江北地方災疫者無愈淮安淮屬地方極
敝者無愈桃源良以治臨水濱歲罹水患且當

南北衝衢往來如織水陸應付既苦于夫馬之
紛沓况又積水佔地地廢糧存望空包賠更苦
于賦稅之輸納邑多不毛民實難支無恠乎其
逃且徙也百姓既逃差糧無辦勢必責之見在
之民而見在者日累一日又安得不接踵而逃
乎存者漸逃逃者不返遂致錢糧年年逋欠縣
官人人受叅若不急爲調劑恐日甚一日更難
收拾矣旣該撫按會議具題相應覆

請恭候

今下臣部移咨該督撫巡按衙門轉行所司各官加
意撙節仍委才幹官員親履該縣廢地處所詳
細查勘果有積水無所生產之區卽便斟酌具
奏俟部覆酌量爲豁除仍將淮倉分司四稅內
減汰浮糜銀兩盡行撥抵該縣遼餉而於該縣
遼餉照數減派其他桃民無害有利之事不妨
併議以憑覆行則積困之子遺獲更生之實惠
矣

計開

一未折漕米

前件臣等看得倉庾訕乏莫如今日恨無神輸鬼運之術其於應徵漕米寧敢輕議改折乎該撫按固已見及此矣但桃源正官一十四員並未得轉編戶四十八里止存其名總因包納空糧以致民漸窮而不能安其家官受累而無以稱其職宜韓應春等有豁廢地折漕米之請也然漕米不可折也廢地則可豁也試觀桃源近

日何官之俸不罰卒亦何年之糧能完
則此廢地何利於

國徒使官民兩受其害耳然豁不可泛施當於其
必宜豁者何也昔年湖曾涸爲田後來
豈無復涸之年卽末末成湖與因修築
而成水鄉者固不可種五穀未必不產
魚藕蒲葦菱芡此皆可以爲民利獨不
可斟酌定額以輸糧乎合無請

勅該撫按委才幹司府官員親履其地詳細查勘但

偶有時涸與稍有出產者不得議豁以
市恩就積水沉沒全無出產者從實具
奏仍俟部覆量爲除豁於以蘇呻吟之
瘡痍而招已去之鴻鴈亦不至將來一
邑盡成逃亡之屋矣伏候

聖裁

一減泐遼餉

前件臣等看得遼餉錢糧原照地畝起科
桃源當泐徵之時報地未分荒熟惟其

虛田數多以致派餉過重先該督撫臣

呂兆熊具題奉

旨酌減外尚存銀八千一百八十二兩五錢桃民猶不
能堪今該撫按議將淮倉分司額徵四
稅銀內有撥抵山陽民壯軍餉一項該
縣昔年被災額課難完議將四稅撥抵
軍餉然以桃源較之山陽尚可支持此
項錢糧不應借辦於浮課就中尚有冒
濫并應裁汰皆可移助桃源幫充遼餉

以爲灾民裨補是亦酌盈濟虛之一策
也行據道府酌議詳報於四稅項下摘
出原代山陽縣軍餉銀二千五十一兩
一錢九分七厘五毫行令該縣自認外
并查浮糜應汰淮安府管河同知供應
并書辦工食該裁銀四十九兩六錢戶
部分司委官書筭十四員名止留八名
該裁銀六十九兩六錢濶河歲修量裁
銀一百兩撫院刑司徐淮二道各年終

傘轎河按鹽江倉屯學七院各臨淮傘轎并淮陰驛五年一修置十年一大修各傘轎俱裁省一半共銀六十五兩五錢八分二厘五毫撫院內外班軍牢食米銀五十七兩六錢亦應裁省以上連山陽縣認回軍餉通共銀二千三百九十三兩五錢八分俱堪抵充桃源遼餉之不足該縣每年止徵餉額五千七百八十六兩九錢二分三厘六毫四絲八

忽一微三纖九沙五塵六埃此其轉移
補救亦儘稱苦心矣但查先該督臣李
待問題將前項撫按鹽倉屯學各院及
司道河廳傘轎供應并委官廩糧工食
歲支淮倉分司四稅銀共四百二十五
兩四錢零七厘查係糜濫當爲酌量裁
汰緣繇本年正月二十四日奉

聖旨該部查覈具覆欽此欽遵隨該臣等查覈前項
銀兩雖係常支似屬多費於內酌量減

銀二百一十二兩七錢解部充餉以示
樽省本年三月十一日題奉

欽依隨經移咨該督撫欽遵去後今查此項銀兩卽
在新議四百二十餘兩之內該撫按又
議抵補桃源遼餉要以抵此抵彼皆充
公用軍餉遼餉均屬

國儲則姑從今議以蘇災黎而豁其前議之充餉
可也伏候

聖裁

一併里減鞭

前件臣等看得桃源久罹災祲賦重差繁
民多消乏兼以逃亡空存版籍苦難支
持故有併里減鞭之額殊不知有一縣
卽有一縣之差賦小民之丐恩而望澤
也何厭之有若鞭銀係

國家惟正之供地方經常之費旣不可缺是鞭固
不可減也該縣止四十八里原不甚多
偶有逃亡卽欲議併若然則將不成爲

縣治矣此里又不可併也惟冀該撫蒞
官申諭賢令加意撫循愛民如子視之
如傷設法招徠安插得宜亦何患其不
聞風而歸附耶伏候

聖裁

一蠲豁舊欠

前件臣等看得桃源各項錢糧逋欠之多
甲于他邑實因賦重以致民逃官受累
而吏受責聞者動心況有累年積欠空

存紙上之數難望分厘之完幸荷

聖慈兩頒詔赦自天啓元年以至五年概蒙蠲停起
遍寰海不獨桃民夫舊欠旣已蠲停見
徵自當完解惟在循良縣令設法徵比
精心調劑毋虐毋寬緣催科以寓撫字
不縱不苛務稽核以免朘侵糜錢糧不
私潤于下輸納自完解于上矣伏候

聖裁

一議充京帑

前件臣等看得京邊錢糧天下皆以田地起科而桃源獨欲設稅境內攔徵梁頭以抵辦蓋因地荒民逃希求出格之恩耳但恐委權不得其人則騷擾在所難免且今遼餉已議協抵應付又爲調停廢地見請查勘舊欠又復免徵桃民之力似可少寬矣又何得以商代農爲阱境內哉該撫按亦已確見其不可矣伏
候

聖裁

崇禎二年四月三十日具

題閏四月初三日奉

聖旨衝邑疲苦良可軫念其廢地果積水不毛該撫
按委官親履查勘覈實具奏准司四稅銀兩應汰
減的俱着撥抵該縣遼餉其應徵遼餉照數減派
併里蠲欠等項依原議行有司官務加意拊摩招
徠逃徙各與休息稱朝廷體恤至意欽此

覆南戶部查叅拖欠南糧官員疏

題爲留計旦夕難支外解急催不應帑庾已空救
燃無策謹將弁髦

明旨阿奉鄉紳異常可駭者先行摘叅伏乞

嚴勅處分以警積弊以救卹危事四川清吏司案呈
崇禎二年四月初九日奉本部送戶科抄出南
京戶部尚書鄭三俊題前事等因四月初一日
奉

聖旨南糧關係根本地方官一任侵欠殊屬不忠這

查叅各官該部速照疏覆處不得稽縱本內有名
解官解戶各該巡撫嚴提解南京戶部監追府庫
侵那吏書攬納的併究今歲南糧遵前旨府縣佐
貳管解照漕糧例本年全完仍着該巡撫官具奏
再有因仍積弊阿奉鄉紳的糧儲科道官指名叅
來與受均罪餘俱申飭行該衙門知道欽此隨該
戶科叅看得

留都係根本重地而江南郡邑弁髦南計已非一
日兩浙錢糧強半會送鄉紳雖久聞之近方有

據授者受者總是目無三尺至於解官解役公然侵漁視爲已有日復一日成何法紀救燃無方呼庚可慮宜乎計臣之娓娓而入

告也若不從今振飭將至決裂而不可收拾此時雖各郡邑同任其罪亦已晚矣業奉有指名奏參之

旨各郡邑倘泄泄如舊定以白簡從事請

旨重處抄出嚴之又於四月十六日該戶科抄出疏視南京營務兼管巡倉監察御史張善政

題爲南庾一空如洗可虞外解萬分急催不應謹
據怠玩之極拖欠之尤者先疏摘叅仰祈

嚴勅重處以警宿蠹以救阡危事等因四月初七日
奉

聖旨南庾匱乏外解屢催不至好生違慢劉君勝等
都着從重議處鄉紳通賦最多的該撫按指名叅
來不得畏勢徇情一任拖欠該部知道欽此欽遵
通抄到部送司奉此查得

南都計臣并倉臣疏議蓋因留計空匱而言也然

所以致空匱處則繇解官侵漁鄉紳乾沒及衙役包侵府庫侵用等弊也若州縣官將南糧照數徵完毋容吏胥作奸依期起解司府而司府詳委得人毋容匪類包攬勒限解部更嚴查掣銷則前弊不期革而自無矣無奈地方各官積玩相仍向以南糧爲不急之務恣意拖逋牢不可破如計臣所叅蘇州等府知府王時和董允升徐伯徵李仕亨彭期生馬之陞等或議照例議處或議量降俸級崇德等縣知縣高士傑所

三賓沈斯棟朱家楫汪大魁等或議分別處分
或議寬議降調德清知縣余若麒安義知縣陳
善繼原任靖江知縣葉柱國徑議卽應罷黜又
如倉臣所叅安東知縣加陞同知劉君聘贛榆
知縣謝啓廷原任靖江知縣葉柱國烏程縣署
印通判蘇象乾崇德知縣高士選欲行查議處
分者其中有欠以一二萬計十餘萬計數十萬
計者有欠至三四年五六年十餘年者非潤一
已之橐囊卽飽奸解之谿壑非滋府庫之侵那

卽供鄉紳之獻媚種種陋習急公何在按例參處方信

明旨查京邊錢糧叅罰近例未完一分以上者降俸一級督催二分三分以上者降職一級督催四分五分以上者降職三級督催六分七分以上者降職三級起送吏部調用八分以上者革職爲民今各官未完分數乃係七分以至十分照例降調革職夫復何辭惟是查所未完固有多繇府縣不解亦有強半爲解官之侵蝕者若徑

以歷年積逋責備一時而復以近例嚴繩揆之
于法似爲太峻合無照未完四分五分則例俱
降職三級戴罪督催勒限三個月全完解部卽
移咨本部開復如過限不完及完解無多者亦
移咨本部應調用者照例調用應革職者照例
革職旣寬一面以策其速完復重其罰典以繩
其後効庶人心允服而法紀得平矣再查蘇州
府知府王時和安東縣知縣劉君聘俱經論劾
靖江縣知縣葉杜國亦係被劾丁憂第皆去任

叅罰奚施惟聽吏部查議處分烏程縣署印湖州府通判蘇象乾今陞太僕寺寺丞合無念係署篆經陞行見任衙門罰俸六個月以上未完銀米俱責見在接管官勒限催解其進賢縣知縣蔣士璫清江縣知縣梁士濟催徵匪懈完解如期若不紀錄何彰激勸至於監追官解吳一燦等未完及嚴究府庫之侵那吏書之攬納并阿奉鄉紳逋賦等事俱奉有

明旨均應一并具題申飭等因呈奉堂批准照題覆

奉此案呈到部該臣等看得留計匱詘至今日
極矣有司怠玩亦至今日極矣惟匱詘極不深
究致詘之源則長此安窮惟怠玩極不嚴立振
玩之法則逝波不返此

南都計倉二臣身丁時艱心抱隱憂而敬以剴切
之詞相繼入

告其爲傲惰裕儲計亦良苦矣設各有司悉寓撫字
於催科何難輓輸如流水盡操三尺於無赦豈
慮狐鼠之憑城無奈要結心深而情面是供腑

肺累重而身家爲營以致胥吏耗蠹以爲常官
解侵沒不爲異也今日欲拔病根貴先除宿障
欲饒南庾貴峻繩罰典在計倉二臣旣摘拖迤
之尤以議處在臣部當照畫一之例以明法但
查未完各官固有見徵不解而亦有前官所遺
者固有徵解不全而亦有官解所累者固有徵
完侵用而亦有實逋在民未完而遇赦者若不
稍與寬政各爲分別催徵起解則人心未服或
有異議請祈

聖明將未完各官姑照欠四分五分則例降職三級
督催限以三個月全完准與開復如過限不完
俟南計臣覆叅或移咨前來仍照新例重懲既
許以維新復防其後至而於留計或少裨矣恭
候

命下除蘇州府知府王時和安東縣知縣劉君聘靖
江縣知縣葉柱國俱經被劾聽吏部酌議處分
烏程縣署印湖州府通判蘇象乾今陞太僕寺
寺丞行見任衙門罰俸六個月外各未完銀米

着見在接官依限完解其怠玩各官如淮安
府知府董允升揚州府知府徐伯徵嘉興府知
府李仕亨南昌府知府彭期生吉安府知府馮
之陞崇德縣知縣高士選嘉定縣知縣謝三賓
豐城縣知縣沈斯棟永豐縣知縣朱家祺分宜
縣知縣汪大魁德清縣知縣余若麒安義縣知
縣陳善繼贛榆縣知縣謝啓廷均應移文各該
撫按俱降職三級令其戴罪督催勒限三個月
完解開復如過限不完應降調者照例降調應

革職者照例革職其勤職發姦各官如湖州府知府金廷璧進賢縣知縣蔣士瑗清江縣知縣梁士濟主簿周世顯德清縣縣丞鄒欽孟相應破格紀錄臣部仍咨吏部一併知會至於侵漁官解吳一燦項名賢沈良譽徐守貞沈茂材趙傳之張錦李德祥弟李德純鄒懋興張永昌魏嘉賓林廷柱王文黃以軫鄒廉朱葉陸劉正已該撫按各嚴提正身解南京戶部監追府庫侵那及吏書攬納者併行重究嗣後各地方起解

南糧務照漕糧當年完解其阿奉鄉紳與鄉紳
通賦俱聽該撫按糧儲科道各官指名叅奏則
外解接踵而留計裕如矣

崇禎二年四月三十日具

題閏四月初三日奉

聖旨是這戴罪督催各官如再過期怠玩及侵渙攬
納官役撫按不行究解糧儲科道一併指名奏來
欽此

題覆應天撫院查叅逋欠金花官員疏

題爲金花逋負數多有司怠玩非法懇乞

聖明特勅撫按查叅以振積習以速完解事四川清
吏司案呈奉本部送戶科抄出欽差總理糧儲
提督軍務兼巡撫應天等府地方都察院右副
都御史曹文衡題前事奉

聖旨這金花未完各官該部照完欠分數按例分別
罰治如有已報起解到部違限的卽行嚴查究處
該部知道欽此欽遵抄出到部送司奉此查得應

天樞院查叅蘇松常徽四府并各州縣官除
完十分并九分以上者免議不開外天啓六年
分蘇州府經徵署印見任推官王瑞楠署印五
箇月未完一分六釐二毫接徵論劾知府王時
和未完三分七釐一毫長洲縣經徵陞任知縣
張茂梧接徵署印見任同知袁世芳未完二分
八釐四毫吳江縣經徵署印見任同知袁世芬
未完三分六釐接徵署印見任同知伍維新未
完七分五毫崑山縣經徵告病知縣秦士奇未

完二分五釐三毫松江府經徵論劾知府仇
古未完二分五釐一毫上海縣經徵調任知縣
陳四賓未完二分青浦縣經徵調任知縣鄭友
玄未完一分二釐九毫常州府經徵陞任知府
曾櫻未完一分七釐五毫無錫縣經徵陞任調
簡知縣吳大朴未完一分九釐江陰縣經徵降
級法任知縣岑之豹未完一分七釐四毫宜興
縣經徵調任論劾知縣駱天閑未完二分一釐
靖江縣經徵論劾知縣葉柱國未完三分七釐

四毫天啓七年分蘇州府經徵論劾知府王時
和未完三分七毫長洲縣經徵署印見任同知
袁世芬未完六分三釐九毫吳江縣經徵署印
見任同知伍維新未完一分四釐五毫崑山縣
經徵告病知縣秦士奇未完二分八釐接徵署
印見任通判俞維苞未完八分五釐六毫松江
府經徵論劾知府仇時古未完二分三釐一毫
接徵見任知府方岳貢未完二分三釐一毫上
海縣經徵調任知縣陳四賓未完四分五釐接

徵署印見任本府同知錢永澄未完四分五釐
青浦縣經徵調任知縣鄭友玄接徵見任知縣
朱錫元未完四分六釐一毫常州府無錫縣經
徵署印見任同知王佐未完一分五毫接徵見
任知縣陳其赤未完一分五毫靖江縣經徵論
劾知縣葉柱國未完一分七釐九毫接徵署印
見任通判鄧履圖未完一分七釐九毫天啓五
年以前者完欠不等俱在帶徵查本部京邊叅
罰之例未完一分以上者住俸督催未完二分

三分者俱降俸二級戴罪督催未完四分五分者俱降職二級戴罪督催未完六分七分者俱降職二級赴吏部調用未完八分九分以上并全未完者革職爲民則前未完各官相應照例具覆罰治內有常州府知府曾櫻經徵未完一分以上例應住俸今陞福建漳南道上海縣知縣陳四賓經徵未完四分以上例應降職二級今調大名府滑縣知縣青浦縣知縣鄭友玄經徵天啓六年分未完一分以上例應住俸經徵

天啓七年分未完四分以上例應降職二級今
調華亭縣知縣以上三員應行見在衙門罰治
無錫縣知縣吳大朴經徵未完一分以上例應
住俸今聽調回籍崑山縣知縣秦士奇經徵未
完二分以上例應降俸二級今告病回籍以上
二員應行文吏部俟起補之日罰治松江府知
府仇時百經徵未完二分以上例應降俸二級
蘇州府知府王時和經徵未完三分以上例應
降俸二級靖江縣知縣葉柱國經徵未完一分

以上例應住俸今俱論劾去任江陰縣知縣岑之豹經徵未完一分以上例應住俸今降職去任以上四員應行文吏部聽其罰治蘇州府同知袁世芬署長洲縣印天啓六年分未完二分以上例應降俸二級又署吳江縣印天啓六年分未完三分以上例應降俸二級又署長洲縣印經徵天啓七年分未完六分以上例應降職二級赴吏部調用蘇州府同知伍維新署吳江縣印未完七分以上例應降職二級赴吏部調

用以上二員查係代庖之官合無比照未完四五分例降職二級戴罪督催該縣見任官員依限完解如過限不完仍照例調用又查蘇州府通判俞維苞署印崑山未完八分以上例應革職今本官部糧在京呈稱署縣尚有徵解過遠餉銀七千餘兩續因遠餉改徵遼米本官又另行徵充本色卽將前銀申府扣抵金花夫旣已扣抵而該府那移不解則罪似又不在本官者但事之真僞本部難以懸度除已經呈堂移文

撫院行查外合將本官先行住俸俟查有前銀
解部之日方准開復倘係虛僞本部仍當照例
叅處至長洲知縣張茂梧未完二分以上例應
降俸二級督催該撫院查該縣災疲且係欠少
經陞似應姑從免議等因呈堂奉批據議已妥
准照分別入疏奉此案呈到部該臣等看得金
花錢糧首徵首解專供

御用今

內庫若洗

嚴旨屢頒而外解倍綏積逋日多皆有司非催科不力卽那移不解一任

聖明之督責部文之絡催而悠悠忽忽慢不經心總之怠玩之習不破叅罰之法未行也按例罰治烏乎容緩其雖有任事未久署篆無幾而不能竟其局有前官舊逋後官新徵而不能遽其完然責在見任自無庸他諉亦不得不代受罰而任受勞也如天啓六年分蘇州府署印見任推官王瑞稱未完一分以上例應住俸戴罪督催

長洲縣署印見任同知袁世芬又署吳江縣印
俱未完二三分以上例應降俸二級戴罪督催
天啓七年分吳江縣署印見任同知伍維新未
完一分以上無錫縣署印見任同知王佐見任
知縣陳其赤靖江縣署印見任通判鄧履圖俱
未完一分以上例應住俸戴罪督催松江府見
任知府方岳貢未完二分以上例應降俸二級
戴罪督催青浦縣見任知縣朱錫元未完四分
以上例應降職二級戴罪督催其已經離任權

無徵比各官合分別完欠多寡行見 仕衙門罰
俸如原任常州府知府今陞漳南道曾櫻未完
一分以上今罰俸二箇月原任青浦縣知縣今
調華亭知縣鄭友玄天啓六年未完一分以上
七年未完四分以上今罰俸四個月原任上海
縣知縣今調滑縣知縣陳四賓天啓六年未完
二分七年未完四分以上今罰俸四箇月所罰
俸銀該撫院查扣解部濟邊無錫縣聽調知縣
吳大朴崑山縣告病知縣秦士奇應移文吏部

俟起補之日聽其罰治論劾去任松江府知府
仇時古蘇州府知府王時和宜興縣知縣駱天
閑靖江縣知縣葉柱國與降級去任江陰縣知
縣岑之豹亦應移文吏部聽其罰治若夫蘇州
府見任同知袁世芬伍維新未完六七分以上
例應降職二級調用念俱向係代庖姑照該司
所議以未完四五分例罰之上海縣署印見任
同知錢永澄未完四分例應降職督催今該撫
院咨報錢糧起解在途且署印經徵未久亦合

姑照未完二三分例降俸二級俟銀到之日題
開又長洲縣陞任知縣張茂梧該撫院以該縣
災疲首邑欠數無多似應免罰而蘇州府見任
部糧在京通判俞維苞呈稱署印崑山以違餉
銀解府扣抵金花而該府不解不甘受罰臣部
業移文撫院行查去訖今合先將本官住俸俟
該撫院查明議奪以上所罰見任經徵各官伏
乞

勅下臣部統移文吏部停其陞考并移文應天撫院

將天啓六七兩年金花俱限本年七月內全完
解部天啓五年以前者每年帶徵十分之三不
得完新欠舊俱責令見任官徵解有能先期依
限完解者卽與開復如過限不完及解不足數
臣部會同科院再加重罰其解部違限解官卽
行查究以前所罰各官俱照應天撫院原叅職
名欠數分別按例罰治又

內承運庫題爲

內帑匱乏已竭一疏俟查江省有司職名會同戶

科查叅并議差官守催另行具覆施行

崇禎二年五月初八日具

題本月十一日奉

聖旨這金花逋欠各官降職降俸住罰行查各依議
非經該部移文開復吏部不得陞考未完帶徵嚴
限速催再有違玩的重加懲處該衙門知道欽此

覆南戶部題請借撥事例楚餉關稅疏

題爲

留都匱絀已極情形一憂謹陳目前救焚之着并
圖後來蓄艾之計事四川清吏司案呈崇禎二
年閏四月初二日奉本部送戶科抄出南京戶
部尚書鄭三俊題前事等因奉

聖旨南糧部運催解考成已屢有旨這奏勒限先解
及道臣赴南課覈如議行有不遵的卽指名叅來
楚餉還半着該撫按速催解仍具疏回奏餘半及

事例關稅戶部詳議添設標兵浦口等營精壯酌
選補舊缺願退的設法散遣如山東例餘該清核
責成諸欵你部卽會同兵部着實飭行該衙門知
道欽此欽遵抄出到部送司奉此查得南計臣條
議諸欵計十有七焉除申明者五清核者七責
成者一并勒限先解一欵業奉

俞旨俱如議飭行矣其酌量暫借一欵應聽南京兵
工二部及計部斟酌設處無庸另議外所有全
還楚餉永留事例借動關稅乃隸貴州新餉二

司職掌相應移付該司議妥回付過司以便題覆呈奉堂批准卽移付從長酌議奉此行准新餉司付稱查得南部事例銀兩緣係關寧額餉去年具疏請留本部覆

准暫借一年剋肉醫瘡固萬不得已之計也目下省直雜項到齊擬定通算入額與出額取平以副聖明惓惓籌遠之意若復允留虧額不少且前覆餉院條陳六款業已題明奉

聖旨有借名那留之禁矣卽留計訕遠餉未常盈萬

萬難曲從也呈奉堂批留計匱詘借索三項一
曰楚餉二曰關稅三曰事例今楚餉不便驟還
關稅難於開端惟事例曾借過元年一年今當
再借二年一年以見同舟共濟之誼或亦事勢
之不得不然者也明年留計外解已充冗兵盡
汰可無庸事例矣自當歸還無疑也奉此擬合
回付又行准貴州司付稱該本司移付邊餉司
酌議去後今准回稱查得關稅半供

內府之用半續九邊之膏似難借動等因到司合

行移覆各等因回付到司相應照議具覆案呈
到部該臣等看得

留都根本重地緩急原相關切故北計偶拙勢不
得不借南之有以濟北或南庾稍匱誼亦不得
靳北之有以應南惟時值南北交匯而欲割此
以與彼則躊躇設處之際實有萬難措手者南
計臣身歷目前危急之形力圖將來挽救之策
條列十有七款擬議上

請足徵憂

國之苦心總皆善後之良圖也除各款欽奉

明旨俱允其如議飭行臣部不敢再議外其餘全還
楚餉永留事例借動關稅蒙着臣部詳議第查
黔局尚未全結楚餉已准還半今督臣朱燮元
甫至展布方新政借楚餉以果三軍之腹而收
捷伐之功況三年全還客秋已有成議奉

旨未久目下恐難更張則姑俟黔局之稍定可耳至
於內外匱乏三關鈔銀新舊軍餉需用俱殷卽
抵充鑄本部近且難之乃欲一關之稅借用

三年從來未開此例萬難曲從者也止有南部事例一項亦係原充關門餉額去年

南都告急暫准借用一年亦不得已之計今且復申前請雖經餉院持之餉司持之俱爭以爲不可惟是留計方急本折俱匱豈容秦越相視合將崇禎二年分姑再借留一年或可少濟眉睫之急亦足以見南北一體相關之誼者也至崇禎三年以後歸還臣部無煩再議矣旣經各該司查呈前來相應覆

請恭候

命下臣部移咨南京戶部將該部事例復留崇禎二年分一年接濟軍餉其餘楚餉仍聽黔用以俟徐議關稅免其留用并咨南京兵部工部及總督糧儲都察院轉行南直浙江江西湖廣各該巡按御史并各該巡撫一體遵奉申飭施行

崇禎二年五月二十八日具

題六月初九日奉

聖旨軍國急緩南北相關這南部事例准再借留一

年佐餉併楚餉仍半解黔關稅照例解北俱依議
行欽此

題覆南京巡倉查叅拖欠南糧官員疏

題爲遵例舉劾南糧完欠有司官員以振積玩以

裕

國儲事四川清吏司案呈崇禎二年伍月二十四
日奉本部送戶科抄出巡視南京營務兼管巡
倉監察御史張善政舉劾省直南糧完欠州縣
各官等因崇禎二年五月十五日奉

聖旨該部知道欽此欽遵抄出到部送司奉此查得
南庾之匱竭皆繇有司之怠玩欲爲裕儲振玩

之計惟有嚴行叅罰一法南倉臣差滿事竣
南糧完及分數所宜舉者有六安州知州熊之
彥等三十三員摘拖欠南糧之尤所宜劾者有
績溪縣文希俊等一十二員其所舉者自當備
行取擢用之選無庸再議矣惟是所叅罰者查
未完京邊錢糧近例八分以上應革職爲民在
績溪等縣知縣文希俊等俱欠八分以上照例
革職夫復何辭第念各縣積欠據原疏內有稱
前官積欠相仍等語又擬重加罰治今若照例

重加禡革於法似覺未平合無姑將各官降職
二級戴罪督催立限四箇月完解卽行咨部開
復如過限不完及完不及數仍照例革職既暫
寬一面以速其輸將復峻繩末路以圖其後效
庶積欠可完而情法得平矣再查太平府通判
張爾葆德清縣縣丞鄒欽孟急公潔已勤職發
奸均佐貳中之不多得者相應并咨吏部紀錄
以示激勸等因呈奉堂批准照議題覆奉此案
呈到部該臣等看得

留都爲根本重地南糧係軍民急需州縣卽按年
完解猶慮入不敷出乃各有司急於奉公者固
多而怠於催科者不少非分別議處烏足昭勸
懲乎疏稱已完八分以上南直六安州知州熊
之彥和州知州孫克明高郵州知州盧燦青陽
縣知縣劉景清金壇縣知縣劉宗祥舒城縣知
縣王觀光當塗縣知縣郭紹儀繁昌縣知縣張
希頤貴池縣知縣張燦垣建德縣知縣張弘翔
溧水縣知縣曾就義南陵縣知縣周崇極高淳

縣知縣莊鐸儀真縣知縣黃建中全椒縣知縣
蔡易葵上元縣知縣何其侯浙江嘉善縣知縣
林先春海鹽縣知縣田升年平湖縣知縣程楷
富陽縣知縣何載寵武義縣知縣舒自志龍游
縣知縣劉日曦海寧縣知縣謝紹芳開化縣知
縣但宗臯會稽縣知縣陳國器常山縣知縣孫
兆隆江西金谿縣知縣余鵬翔清江縣知縣梁
士濟星子縣知縣陳翼言德化縣知縣趙之驊
南康縣知縣吳尚禮湖口縣知縣劉延漢興國

四川通志卷之二十一

縣知縣劉清移咨吏部薦楊以備擢用行取如
未完八分以上南直績溪縣知縣文希俊縣
知縣李春芳建平縣知縣唐良錦浙江江山縣
知縣徐士慶金華縣知縣高倬東陽縣知縣鄭
爲江西寧州知州胡如川上高縣知縣費彥芳
萬載縣知縣李世瑀安仁縣知縣潘士元萬安
縣知縣陳元烈貴溪縣知縣王夢台俱應革職
爲民

明例昭然無容假借第倉臣念各州縣多因前官積

欠相仍止擬重加罰治令無姑從寬政將各官
降職二級戴罪督催立限四箇月完解咨部開
復過限不完仍照前例革職庶法紀肅而諸司
亦知激勵矣其南直太平府通判張爾葆廉勇
過人浙江德清縣縣丞鄒欽孟摘發無隱誠佐
貳中之廉能而可風者均應移咨吏部紀錄以
昭激勸之典者也既經南倉臣題議前來相應
覆

請恭候

命下臣部移咨吏部將知州熊之彥等行取擢用通判張爾葆縣丞鄒欽孟從優紀錄知縣文希俊等各降職二級戴罪督催勒限四箇月全完報部方准開復不許考滿陞轉仍咨各該巡撫并南京總督及南京都察院轉行巡倉御史一體遵奉施行

崇禎二年六月二十八日具

題七月初一日奉

旨南糧待哺甚急通緩州縣亟宜重處以懲積玩

這未完八分各官姑着降職二級戴罪限四箇月
完解如過限不解定行照例革職不得再希寬假
餘如議行欽此

覆議白糧運舟出幫無阻疏

題爲漕白俱爲重運弊害多年急應申飭懇乞

聖明嚴沿途抗阻之禁以速

上供以通民隱以無悞軍儲事四川清吏司案呈奉

本部送戶科抄出戶部右侍郎錢春題前事奉

聖旨白船出幫先進漕船不得凌壓着總漕載入議

單漕河衙門仍照所屬差官儆護俾軍民各別永

杜囂阻該部卽與覆行欽此欽遵抄出到部送司

查得江南民運白糧原稱苦役上年漕船阻塞

致因東滯且有旗軍之生事指揮等官之索詐鄉愚窮解其何以堪如軍日凌競而民日畏避則

上供玉食勢必年遲一年所當亟行照議具覆行巡漕等衙門刻榜曉諭差官押送務令白船先進不許漕軍凌阻等因呈堂奉批速照具覆奉此案呈到部該臣等看得白糧關

內供漕糧係軍儲尊卑原自迺別後先安得倒置緣漕船九千餘隻其人衆其勢盛白船不過數

百隻其人少其勢弱以衆欺寡以強凌弱勢所
必至且白糧點解名爲富戶實多鄉愚而軍宦
猛悍每縱容軍卒千百方魚肉買幫索騙諸弊誠
有如同官錢春所言者所以糧長一遇軍艘莫
不挽舟遠避江南僉充白運便至傾家蕩產職
是故耳臣以爲欲蘇民困而戢軍囂無如

明旨差官儼護一節蓋白船渡江去撫按日遠而巡
鹽巡歷止於鎮江巡漕先駐鎮江又必督趨漕
船過完而乃尾押以進則白船繇淮入濟之間

直省分疆衙門濶遠於時民抑鬱而誰語軍得
恣意而妄行故惟漕河兩部院照所屬起止每
年廉委風力府廳一員會同各府部廳並各總
把總約勒軍民催餉出幫有囂阻者輕則委官
徑行究責重則指名揭該部院並該總及該指
揮千百戶等官叅題治罪其民解或無知起釁
部官不能約束一併叅處仍於白糧船豎憲牌
一面書奉

青白船出幫先進漕船不得凌壓違者拿問數字庶

法紀肅而凌兢或稍懲乎如遵期催完運務早
結其委官及各運官照例一體優叙以昭激勸
乃同官錢春又恐說者以急白緩漕藉口甚爲
遠慮查得民船自備原與軍船不同向來條議
白船止載五百料不許例外夾帶又春正盡令
開行違者部官叅罰聞今歲白船業已起運而
漕船尚未齊集此正可及時儆行以免壓阻之
患以脫守凍之苦無復可疑矣繼自今每年五
府白船撫按亦當於漕軍未起兌之時預行州

縣料理嚴禁船戶之刁難與撐夫之誑索勒令
開行則軍幫旣少在前饋越尤易不惟民運可
速而軍運亦不遲允稱兩便蓋部官不過府佐
未必能令行州縣而撫按之權風草臂指朝發
夕行其於振飭運事自無難者伏乞

勅下臣部移咨總漕載入議單總河刻作漕規務令
民先軍後勿俾軍官索詐旗甲撓阻致稽白運
並咨都察院轉行巡漕御史嚴飭法外以杜覈
爭刊給牌面以便前行仍督漕道彈治其不遵

至一切白糧歸船起發等事悉聽各該撫按及
巡鹽御史協力料理其每年廉委風力府廳事
完之日從優紀錄以後漕河衙門各飭所屬不
許漕船凌壓白運永著爲令庶無悞于軍儲而
上供更不至有後期矣

崇禎二年七月初六日具

題本月初九日奉

聖旨這條覆白船出幫事宜俱依議便著爲令
永久遵行欽此

題覆清河災民陳乞寬卹疏

題爲賦役規制漸更偏累疲邑已極糧額日增差役日重十室九空民不堪命懇乞

聖恩憐准拯救災疲以安地方事四川清吏司案呈
崇禎元年二月初十日奉本部送戶科抄出清
河縣災民吳商等奏陳六款緣繇崇禎元年正
月二十七日奉

聖旨據奏該縣災民賠累可憫其所議安東沐陽揆
夫應付及并里減徭改折漕糧山陽夫役徑送挑

源漁稅樑頭建砌石工等項都着該部與議覆欽
此欽遵抄出到部送司奉此查得所陳諸款事
屬利弊可否准從難以遙度隨經呈堂移咨彼
處撫按會議酌覆去後今奉本部送准鳳陽巡
撫李待問咨前事又奉送准都察院咨據巡按
直隸監察御史范良彥呈同前事內稱會看得
清河縣治通黃淮路通南北輪蹄之輻輳舟楫
之往來供億萬難困累日甚兼以連年水旱蝗
三災並至籽粒無收按額而徵遑恤血肉淋漓

之苦望門而竄誰復室家保聚之恩旣恐竭澤而無魚且虞走險而駭鹿蚩蚩小氓伏

闕陳訟良非得已幸徼

明旨垂憫疾苦下部議覆此誠更生之一會也所有酌議各款登荅前件項下并行道府覆看緣繇造冊齎送查閱等因到部送司奉此查得清河縣災民吳商等原奏夫役應付一欸今議不准安沐二縣撥夫荅應仍令照舊協銀抵解清河額派兵餉等項錢糧併里減徭一欸今議不准

併里額徭亦難減免止應裁去縣丞一員并裁俸薪祇馬家伙壯皂工食及操江項下戰船共減鞭銀三百七十五兩六錢

皇旂夫役一款申飭山陽縣遵照舊例拽送差馬應付一款今議不准復徵漁稅樑頭以滋擾害惟倣前令舊法置船以應下水買驢以應上水仍禁革冒濫私幫積弊建砌石工一款估看工費浩繁時訕難以舉廢姑俟徐議又有改折漕糧平減遠餉一款遠餉照畝派徵難以減除惟是

漕糧一節欲議請暫折一二年稍紓災民目前
艱苦俱照議呈堂奉批改折難行題覆奉此續
奉本部送據災民吳商等呈爲懇憐殘黎等事
內稱清河極苦極繁飛差疊派遺餉加增差馬
私割應付繁費負痛難言瀝血條陳於崇禎元
年正月內上疏奉

旨下部議覆咨行撫按查議百姓朝夕懸望立等起
死回生但覆咨內止議漕糧暫折一二年安東
等縣協濟抵兌錢糧其餘俱未議覆內遼餉不

減說清河熟糧尚有攤派在別縣者再難平減
查萬曆二十三年因挑河分黃洩水救陵挖毀
清河田地二千九百頃有零致令百姓包納無
地之糧情急具疏批撫按議止令各縣攤去糧
銀一千五百九十兩尚存正糧五千八百五十
兩今越加遼餉三千五百兩各省直州縣每兩
糧銀加遼餉二錢五六分惟清河每兩加銀六
錢將及過半併里一節說清河原四十里併二
十里今再併里不成縣沿各省直尚有五七里

小縣勝清河百倍况清河每里止存三五甲或
五七甲要當全里之差若不併里不但逃民不
歸而見在之民安得不逃懇乞軫念疲邑殘黎
轉達准減遼餉併里減徭改折漕糧庶縣治可
保災民可存等情到部奉批四川司查送司該
本司細閱災民控籲哀詞欲將漕糧仍照撫按
原議暫折遼餉請行撫按查覈無地糧銀虛實
并加派多於別縣真偽併里議請歸併少蘇其
予遺之累各等因呈堂奉批改折漕糧元年已

無及矣二年量與改折一年以蘇其困減派進
餉一面覆疏再與一查果係妄言不必准也奉
此議覆間又奉送據吳商等呈爲祈恩官民兩
便事內稱清河縣廢民逃情急奔疏蒙咨行撫
按會議漕糧一款准改折一二年今爲太倉告
匱暫折一年深爲不便情願不改惟有併里一
款因撫按目視減徭二字以致未允今不敢望
減賦徭量併十里減去里排公費百姓均平稍
蘇民困伏懇俯從民便等情到部奉批旣不改

折則儘量可行矣四川司查行送司復該本司
查據前後情節清民不望減徭惟裁公費并不
願改折漕糧一年則亟欲併里之苦心誠有可
原者合無准從將該縣版圖併作十里并裁縣
丞及俸薪祇馬等項銀共三百七十五兩六錢
免其徵派庶上不虧課額而下省私幫之累矣
相應將各款開立前件逐一分別登答具覆案
呈到部該臣等看得清河縣邑治彈丸地方沮
洳當淮黃交滙之衝爲舟車肆應之所賦重役

繁財窮力盡殘黎已苦難支矣况當加派倍抽
三災疊臻蕭條徧野流離載道真有令人傷心
慘目者幸今

聖明在御加意窮民孰忍上辜

德意坐視顛連而不速爲之請

命惟是民隱固所當恤

國課又不容虧故吳商等陳訴五害一利卽該撫
按惟酌議暫折漕糧裁去縣丞公費與夫調停
協濟夫馬應付而已其餘不敢盡副災民之請

誠見及此耳目今悉如撫按之議惟是太倉空匱屢奉

明旨不許輕議改折卽災民亦知其難自願停止祇有遠餉加派據稱地少糧多應行撫按再與一查不妨稍爲調停至併里一事臣部特緣災民轉輾陳乞之哀詞勢不得不曲體輿情而俯順其歸併者也既經該撫按會議前來又據災民陳乞情詞相應逐款分別登荅覆

請恭候

命下臣部移咨鳳陽巡撫及都察院轉行巡按御史

一體遵奉施行

計開

一夫役應付

前件臣等看得清河縣路當孔道供億殷繁邑小民稀應付爲艱以故先年酌派沐安二縣各出見夫協濟後因各夫往來更替參差未便弊害叢生苦累較清更甚是以議同海州等處折價協清已

有年矣邇來解銀愆期支用不能湊手
致有仍復見夫之請揆情度勢委屬難
行故該撫按議於清河成規內每年兵
餉麥折等銀照數摘出行令沐安等縣
分認將應協濟銀兩抵解至清河應解
餉麥等銀留充協濟應付之用若抵銀
不完罪在沐安應付有悞咎在清河彼
此各有責成甚爲兩便伏候

聖裁

一併里減徭

前件臣等看得清河一邑民逃戶耗里里
僅存虛名原不成爲縣治該撫按議裁
該縣縣丞一員併裁俸薪祇馬家伙及
壯皂各役并操江項下戰船等銀共三
百七十五兩六錢誠見里或可併而無
必不可減故惟減去公費而不允其所
請第據清民再四陳乞不望減徭惟所
併里并不願改折漕糧一年其情良非

得已蓋有一里則有十里有里甲者
里甲公費追呼剝削未免源于奔命合
無准從將該縣版圖併作十里仍照撫
按原議裁去縣丞一員另赴吏部改選
并裁前項祗馬皂壯等項銀兩免其徵
派庶可抵除該縣逃亡鞭徭之數而消
民獲安堵之休矣伏候

聖裁

一改折漕糧平減遠餉

前件臣等看得清河邑小賦重地勢低窪
漕糧遠米俱置買于別郡更多一省盤
剝之費較他縣苦累實倍故該撫按憫
其漕遠二項一時並輸之難議漕糧暫
折一二年少紓困苦遠餉仍照畝起科
不准減除惟是太倉方苦空匱改折事
在難行臣部亦不敢輕允其請但所稱
包納無地糧銀與夫加派遠餉多於別
縣等事情亦可憫合行移文撫按再

查覈真僞并照桃源縣近例就中稍加
調停務使餉額無虧民無偏累是亦軫
卹凋瘵之

德意也伏候

聖裁

一差馬應付

前件臣等看得該縣水陸衝衢南北要津
輪蹄往來如織應付晝夜不停加以積
猾馬戶包養爲奸捐幫無厭魚肉愚民

受害莫支致有復設漁稅裸頭及再求
幫助之請但二稅旣經停止未便復開
各縣再議討差又滋紛擾俱難准從合
應倣照前令舊法于額設馬匹外酌差
緩急置船以應下水買驢以應上水其
置買價值卽于驛站銀內動支目今新
奉

明旨嚴禁驛站冒濫勒索等弊將寓內盡獲息肩何
有於清河一邑哉想驛困亦可以甦矣

伏候

聖裁

一

皇解夫役

前件臣等看得清河民稀差繁一遇夫多
家家苦累是以先年議定凡有

皇解用夫至千名者山陽徑送桃源每名清河止貼
銀八分十名以下者清河自當接替運
來事又法弛山陽往往攀累清河挾差

出夫實不能堪合應再行申飭兩縣各遵成例凡遇夫至千名山陽徑送桃源不許推諉伏候

聖裁

一建砌石工

前件臣等看得清河縣治瀕臨黃淮乃漕艘必繇之途邇年水決縣東尹家口等處城邑嚙毀緯路屢衝邑民恐妨漕事議建石堤誠爲兩利第該撫按行據該

進查勘見有寬濶土堤無礙緯軌時難
難以舉贏餘俟物力稍充再議興工似
屬確論伏候

聖裁

崇禎二年七月十二日具

題本月十五日奉

聖旨是欽此